

玄元十子圖序

玄元十子筆墨高古長春路道通寓錢塘集眾緣刻之既成以摹本至稽首爲之贊垂眈被素熙然如春暄若十子親見聖人鄭圃漆園年徂人遠瞻之在前亦豈不見月星明晰上麗乎天有此眾妙方知又玄趙子神遊而寓之筆使張僧繇惘然若失虛堂淨几古鼎微煙睟容咫尺有聞其言大德乙巳孟冬嗣天師張與材書

趙人路雲溪以子昂集賢手圖十子刻本示江西姚雲曰請賦之嗟乎仙與不可傳者俱往矣此猶足存乎生民望治久矣庶幾往者之復來乎乃於謳成相以招之古之至人龍德天隱靈

道藏輯要

序 玄元十子圖

卷

翼集一  
八四〇

車在淵莫襲其軫春行萬花疇搏其影示有十子芳郁縑素一水千月千牖一字崖然侗然言言亦寓風御天縣形何故集仙之人覃思朱院筆有幻力截彼蓬苑仙聖壽之十子俱見神遊精行五嶽躡空恍兮冥兮墮阿堵中路子肅然如手貝璐累金購工刻玉葉楮使千載人見此粲者大道之行三代之英我武十亂有聞無聲可象可則於穆大烝大德不同人乃脊脊聖哲軌涂或削其跡恢譎變化飛躍無息天矜民艱日夢昂生不應象求來燕治明大德戊申上元日書

玄元十子猶宣聖十哲也十哲從祀今昔所崇十子於吾門中則未之或究葢自修文輔教之科鮮有習者故十子之學晦而

隱否而塞方今真風暢遠玄俗還淳孔老通家道德同尚集賢  
學士圖寫之教主真人讚揚之二妙並行十子之學彰彰有光  
矣南谷翁亦不負平生之志矣噫名山洞府珠宮琳觀無地無  
之安得通玄究微之士日講誦其間使諸學徒皆有所矜式而  
爲道德之歸誠教門盛事愚庶幾見之毋徒觀言象而已全真  
門人路雲溪嘗以玄風慶會圖七真傳求着語茲復有請喜其  
衛道心切勉爲之書大德丙午立春日正一弟子三茅堂洒掃  
黃仲圭鎮仲稽首

往年平潮之役石翁獲從教主後見南谷老師袖玄元十子圖  
傳以獻教主不奪所好書軸尾而歸之後數年長春路明真壽

道藏輯要

序 玄元十子圖

卒

翼集一  
三〇〇〇

諸梓於是四方學者隱然得之儀象之間路爲余言汴梁孫大  
方真人昨遊錢塘摹本欲刻而未遂此版將歸亳州太清以垂  
永久南谷之於宗陽也規制壯麗創玄元十子殿實與此圖相  
表裏盛哉道之將行也歟大德丁未六月甲子二十四巖道士  
黃石翁稽首書其後